

D. PATRITIUS



H I B E R N I Æ
A P O S T O L U S

S P L E N D O R & G L O R I A

I N F U L G O R E C R Y S T A L L I

H i b e r n i s n i v i b u s i n n a s c i s o l i t æ

A d u m b r a t u s ,

In Basilica M A R I Æ Matris sinè Labe
Conceptæ RR. PP. Hibernorum Strictioris Observantiæ
Anniversaria die Panegyrico sermone pro rostris dilaudatus

A

REVERENDO ac DOCTISSIMO PATRE

FRANCISCO KOLBE,

AA, LL, & Philosophiæ Doctore, in Alma Cæsarea, Re-
giâque Universitate Carolo-Ferdinanda Pragensi Sacræ linguæ Pro-
fessore, Regio Publico & Ordinario.

ANNO M. DCCX, Die Decimâ Septimâ Martij,



VETERO-PRAGÆ, Typis Barbaræ Franciscæ Beringerin,
per Ludovicum Cajo.



HONORI
AC
VENERATIONI
ILLUSTRISSIMI
DOMINI, DOMINI

FERDINANDI

ERNESTI

Sacri Romani Imperij

COMITIS

AB

HERBERSTEIN

Liberi Baronis de Neüberg, & Guttenhaag
DOMINI in Krembs, & Lankovitz, Hæreditarij Camerarij,
& Dapiferi Carinthiæ,

Sac: Cæs: Regiæque Majestatis

CAMERARIJ

Regiarum Appellationum in Castro Pragensi

CONSILIARIJ

DOMINI, ac PATRONI GRATIOSISSIMI.



ILLUSTRISIME

DOMINE, DOMINE

COMES

PATRONE GRATIOSISIME,



Volatilis pagella, Divum
Hiberniæ Apostolum PATRI-
TIUM in fulgore crystalli ex-
pingens, ad TË hodie provo-
lat COMES ILLUSTRISSI-
ME, in Illustrissimo TUO gre-
mio

mio gratiarum thalamum repertura. Nitet illa
candore styli crystallino, quia sinè fastu, sinè astu,
planissimò argumentò in præconia mysticæ suæ
crystalli excurrit. Quòd si tamen pellucidum in
suo themate opusculum, lucis fulgetris inconcin-
na in jacula aculeatis, literati Orbis oculum aut
percelleret, aut obscurioris eloquentiæ fucò, lucis
avidam sapientum mentem proritaret, ad Nobil-
lissimam TUAM providè recurrit MAGNITU-
DINEM, ad ILLUSTRISSIMAM CLARITA-
TEM, à Magnitudine, luminis temperamentum
umbram, à Claritate, lucis auctarium splendorem
emendicans. Habent hoc crystallo incrustata
rupes, & umbram explicant, & fulgur jaculantur.
Illam imperviæ molis fastigiò, istud imbibitis in
crystallo Phæbeis radijs divaricant. Adoramus
Montem Patriæ crystallinum in TE COMES IL-
LUSTRISSIME umbram & lucem dispergentem:
Illâ Patriam oculis, dum infelicium casuum pro-
cellæ sagacibus oculis eandem insequuntur: istâ
Regnum illustas, si fortè beatæ tranquillitatis
sudum intempesta nubium nox obnuberet. Mi-
retur Mundi Miraculum Roma Augusti (a) Cæ-
saris oculos, noctilucum crystalli jubar inconni-
vis palpebris evibrantes: in TE Tripolis, Re-
gnum

(a) *Sveton.
in Augusto.*

gnum , Imperium , mentis oculum consummata sapientiæ fulgore illustrem profundo cum homagio admiratur. Thesis est Theologicis agitata in lycæis : an virtutes affinitatis vinculo inter se connectantur ? TU vivo argumento veritatem elucubras , roboras exemplò , quod illa stylò tuentur. Quin imò cum scœnore accumulâs quæstionem , & Scientiarum omnium luce circumfusus , novo prælio ingeniorum committes aciem : an non etiam scientiæ concatenentur ? Tanta effulgescit in TE sapientiæ lux , Tanta lucis magnitudo ! Ad tantam proinde magnitudinem tantilla pagella , ad tantum lumen obscura lucubratiô nobiscum advolvitur : accipe adreptantem. Immensi ponderis crystallum Indigeti suo Jovi (b) in anathema pendi gratulandum quondam suspexit Capitolium. *(b) Plin. nat. hist. lib. 38.* Damnamus gentilismum. Quòd si tamen Jupiter à juvando cognominatus , nominis elatebratione (c) Juvans Pater interpretatur , terrestrem (c) *Calepin* Jovem citra superstitionem in TE COMES IL-LUSTRISIME adoramus. Familiam nostram Seraphicam juvas auxilio , amore foves Paterno. TIBI proinde Jovi humanato crystallum in victimam

mam consecramus, & munus ex tholo appendi-
mus. Eo illam admitte benevolus vultu, quo
Numina adgeniculantes, madentibus super ara
hostijs, Aruspices arridere finguntur. Et mul-
tùm diuque sospes superis ac Cæsari perenna.

Illustrissimi Domini

COMITIS

Ità vovent

Humillimi Clientes.

RR. PP. Hiberni Ord. S. P. FRANCISCI

Strictioris Observantiæ.



ORATIO.



Quos inter avara Arabiæ juga, auri
sacra fames, divulsis montium costis,
scrutatur thesauros, eos ego hodie inter
glaciata alpium, Riphæorumque mon-
tium ossa curiosius rimabor, & pro au-
rato Phryxi vellere. Tagi, aut Paoli
alveis diluto, fulgidissimam Hiberni fri-
goris filiam, inter nives indagabo cry-
stallum. Congruit egelidum isthoc nego-
tium ex succo Oratori, ad glaciatos stagnantis Suadæ torrentes tre-
mebundo. Fluunt alijs, & refluunt, non dissiteor, densis argu-
mentorum fluctibus graves, sacundi Ciceronis amnes, Mihi Bal-
thicus corrugata sulcis eloquentiæ flumina, Arctoa incrustat barba-
ries. Pudet Septentrionale spirare gelu vixdum lapsa hodiernæ
Solemnitatis meridie, & florum depopulatricem brumam pro ro-
stris jactare, florentissimo utrinque Auditore stipatis. Sed cum-
primis vestræ me miseret sinistra sortis Religiosissimi Seraphici Pa-
tres, vos equidem pro vestro erga Divinum PATRITIUM affectus
intensissimi æstu, talem nullus dubito, ex Areopago optabatis De-
mosthenem, qui eloquentiæ cæstro succensus, coactis in igneum
essedum periodis, redivivum Hiberniæ Eliam PATRITIUM, pro-
digiosa

digiosa apothecosi cœlo inveheret, verùm spes vestra pro virore in-
 tulit hiemem, quod optâtis, non exoptâtis. Optâtis ignea te-
 la è præfervidis Tullij perorantis præcordijs eruenda, Sed Riphæ-
 am reportâtis hiemem lethale gelu inter tusses præfagientem. In-
 ter D. Ignatij discipulos ardentem Patriarchæ sui incendio quære-
 batis Encomiasten, verùm frigidum reperistis Gelasium, qui no-
 men hoc Pontificijs etiam clarum tiaris, boreali panegyrici emor-
 tui gelu dehonestaret. Quid multis? D. PATRITIUM Divinæ
 zelò gloriæ æstuantem Apostolum glaciatis erutâ tumulis adum-
 brabo in crystallo, & Mysticum Hiberniæ solem, sereniorem
 Britannæ Phæbum structâ super nives celebrabo panegyri. Quàm
 metuo, nè subsistam, quod ajunt, sicut nix in sole. Stat nunc sol,
 flammeus ille firmamenti Princeps, aureo torque redimitus, in si-
 gno arietis, & radijs in cornu acuminatis sparsa super terram niv-
 um vellera everrit; quàm vereor, nè niveæ innixam basi dictionis
 meæ fabricam, pari insultu arietet, & subvertat. Sed serò cum
 Phrygibus palinodiam cano. Loricatas nivibus rupes intravi, ni-
 valibus me implexui rimis, à capto dictionis præproperæ themate
 desistere nequaquam par est, Hannibalis induo ausus, & quas te-
 merario tentavi vestigio Alpinas propemodum nives, cum laudato
 illo Punici Martis Heroe (a) transcendere non abnuam. Nix
 autumnii senescentis posthuma canities, veris necdum adulti lanu-
 go (b) nube matre, & gelu Patre, Phæbo eminus obstetricante ge-
 neratur. Iuamæna soboles, non nisi matris plorantis depluo ro-
 re, & patris Boreales in furias acti indignatione, viralem finè calo-
 re nanciscitur lucem. Hac tamen commendabilis est sæcunditatis
 laude, quòd altissimorum montium instrata verticibus, post explo-
 sos pluribus annis æstivos soles, prius quidem glaciata concre-
 scat in crustam, tandem in adamantinam indurescat crystallum.
 Crystallum auditis AA. ? & jam Divum Hiberniæ Apostolum, se-
 ptemtrionalium Insularum Gloriam, Britannæ splendorem in
 crystallo emicantem observate. Crystallus fulgidus Alpium the-
 saurus, Riphæorum montium pretiosa hiems, pellucidum hiber-
 næ terræ argentum, stillantium nivium stella, sidus gemmantis
 glaciæ, nunquam condignis celebrari sustinet præconijs. Nitet
 illa

(a) Livius

(b) Plinius
 nat. hist. lib.
 33.

illa in thronis, fulget in regijs, lucet in fanis, splendet in odæis, radiat in colossis, fulgurat in aris, in ipso lucis omnigenæ emporio cælo, insolenti gloriæ splendore exuberat. Apocalypticum testor oculum, qui ecstasica prophetici luminis acie, ad intima superiorum domuum adyta exporrectus, convexam illam in splendoribus Sanctorum machinam, crystallino stratam intuitus est fundamento. (c) *Lumen ejus simile lapidi pretioso tanquam lapidi Jaspidis, sicut crystallum.* Ergo exultate Religiosissimi PP. Hiberni, Patres genere PATRITIJ, quia à PATRITIO Majorum vestrorum successione in fide geniti, Exultate! Vestrum Divum fidei propagatione Patriarcham, in crystallino hodie adumbraturus fulgore, ad astra usque crystallina efferam sublimem; & longè æquiore suffragio, quam suum ecloga Daphnidem, oda Meccenatem, odyssæa Ulyssæm, Perseis Achillem, fulgidissimum hoc Præfulum fidus rutilantibus firmamenti ignibus implantabo. Nè verò in pellucido hoc, fulgidoque argumento, D. PATRITIJ in crystallo effulgens, styli obscuritate halluciner, hilarem à vobis AA. imploro, frontis in charites explicatæ serenitatem.

(c) Apoc. 21.
v. 11.

Ascendo nunc animi magis designatione, quam gressus laboriosi conatu Hiberno incanescens vellere rupes, & inter glaciatas frigoris annosi sedes, symbolicam D. PATRITIO indagato crystallum. non possum hic non ex animi approbare sententia providissimam sagacis naturæ Oeconomiam, quæ quidquid humanâ pretiosum æstimatur bilance, inter exules à luce diurna montium officinas ematurat. Quidquid æstimari noscitur, in latebris petrarum nascitur. Dignissima lucis publicæ cimelia in tenebrarum antri natalem lucem aspiciunt. Obryzus ille metallorum Phæbus, solis, lucisque filius, ab aurora aurum (d) cognominatus, non nisi inter profundas rupium noctes exoritur. Gemmæ, thesauri, & illustria quæcunque glebæ nobilioris sidera, in parvis Regum annulis minuti soles; inter infames diei exilio latomias ad maturitatem excoquantur. Ibi ardet carbunculus, vernat smaragdus, ludic Jaspis, diluculat adamas, erubescit sardius, livescit Sapphirus, & omnis pretiosorum nominum claritudo, subterraneum in spelæis accendit firmamentum. Quid pluribus? in ossibus petrarum in

(d) Calepin.

(e) Virgil.
Æneid. 3.
(f) Liv. dec.
l. l. i.
(g) Iocelinus
in vita.

vitiarum latent medullæ, & pecuniam ner vum belli indè fortè dixit polemica, quòd é venis montium metalli filia eruderetur. Quidquid ad alta natum est, ad illustrandas Viætorum curules, Regum folia, Principum diademata, in saxeis adolescit incunabilis, ibi gignit natura partus ad honorum fastigia provehendos. Ipsum Jovem (quis credat?) Deorum regimini natum, (e) Cretenfisbus fabulosa antiquitas educavit in saxis, & urbem orbis, Urbium caput, Romam (f) Palatini, Aventinique montis costæ nascentem exceperè. Eadem Gloria D. PATRITIJ. (g) Ad alta natus terrestres Britanniaë gigantes, montes, quos præterfluens in pede oceanus lingit, nascendo illustravit. Natus ad pedum Pontificale, capita montium primis in cunis calcavit. In lucem publicam Hiberniaë, & Orbi editus, in natalium sedem elegit excelsa montium cacumina, quæ Phæbus manè nascens prima colustrare, vesperi nocti tante oculo extrema consuevit suspicere. Felici prodivit Lucina ad lucem. Orthodoxa ad Septemtrionem Ecclesiaë futurus petra, culminum natalium privilegiò compensavit, quod Apostolici Primicerius Collegij nominis majestate circumtulit. Crystallum imitatus est, in fastigijs montium illustrem natus horoscopum. Hæc est enim crystalli nobilissima in nascendo fors, quòd communium reliquis gemmis fato inter præruptas saxorum crepidines natalitium thalamum fortiatur. Nascitur in montibus ocellus montium, quo evedti illi supra vulgarem planitiem regionum Enceladi, polum inter ac solum medij, cælum aspiciunt, terram despiciunt. Fulgidissimi hujus montium oculi illustria ingressus vestigia D. PATRITIJ, inter excelsos Angliæ Caucasos Angelus caro factus apparuit. Nemo casui tribuat hanc natalis domicilij sublimitatem; non erat casus, mox primo ad vitam ingressu in altis consistere. Divina Providentiæ erat Sacramentum, ut excelsa mens monti innasceretur, & sublimes sedis gentilitiæ apices fastigium augurarentur Sanctitatis, agillimis passibus, volantis per virtutum scalam PATRITIJ conscendendum. Sit virtus in arduo Philosopho, non inficior; sed testudineis animabus, quæ ad ima natæ, in vallibus abjectæ ad infimos ausus licentiæ proreptant. Ad alta nati sanctarum mentium genij, in prærupto virtutum ascensu terrib-

terfissimum legitur iter, amantissimo cespitem smaragdo confra-
tum. Ad sublimia dum volunt, volant. Hæc erat Celsissimi al-
tissima indoles PATRITIJ, hoc sublime etiam in pusilla ætate
virilis animi robur, non, ut ariadnæ filo per obvios Sancti-
monia trames lentus duceretur, sed ut per excentricos illu-
strum facinorum sinus, præpete remigio properaret. Quod

(b) Julio Cæsari ab ineuntis vitæ primordio indignum vi-
debatur. Martis, militiæque adnifu non eminere ad laureas, hoc
PATRITIUS in palæstra virtutis rebatur improbum, probitatis
conatu non affurgere ad animæ regnum, ad sui triumphum. Cry-
stallinus virtutum fulgor in fronte adhucdum Adolescentis emica-
bat. Quod si crystallo coæva dos est, etiam in adamante æstimanda,
generoso ingenio duris non mollescere, sed obstinari; ridere
voracem temporis ingluviem, & æternitati nasci. Quanta non
etiam in Juvene vernabat æternaturæ virtutis seges? nihil vitreum,
nihil fragile admisit unquam, omnia gessit æviteris dignissima fa-
ctis, crystallo & adamanti incalanda. Jactet Appelles suum il-
lud, posthumis adeo celebratum elogijs lemma: *æternitati pingo.*
PATRITIUS etiamnum inter ephobos conversans, æternitati orat,
tacet, fleat, jejunit, suspirat, vivit, ardet, lucet, fulgurat, pro-
digia facit. Et more crystalli congelatis è crustis in splendorem
emergentis, à glacie auspiciatur miraculorum fulgorem. Alte-
ratâ elementorum indole, glaciatis stirijs in domo paterna (i)

(b) Sueton in
Julio.

(i) In vita.

succendit focum, rudimenta miraculorum divinæ virtutis Tiro à
primis elementis exorsus. Ipse verò, qui Hiberno frigore lares
portentose igniebat paternos, amoris superni flammâ longè in-
tensius intimis in fibris urebatur.
Problema resolvit (k) Plinij pennâ, & (l) Diodori stylo dis-
ceptatum: an frigoris, an caloris vehementiâ crystallus in gem-
mam maturescat? Accensa in corde PATRITIJ amoris flamma
controversiam Illustravit, crystallum illustrem calentis radij par-
tum asseruit, problema convertit in lemma illustri partui subscri-
bendum: *calore nitescit.* Tripudia hic nobilissima Europæ Insu-
la Hibernia! æstuans in PATRITIO Adolescente divinus calor
Æneos portendit flammaram imbres, virulentum è penatibus
tuis

(k) Plin. nat.
hist. lib. 38.

(l) Diod.
lib. 2.

suis hærefum, ſuperſtitionisq; gelu, poſt non frequentes ariſtas
 exterminaturos, & humanata in Juvene Angelico cryſtallus Sancti-
 tatis præſagit lumen, collactaneos ad papillas tuas cives ſubinde
 irradiaturum. Sed enim quæ hæc rerum inſperata facies? vixdum
 ego ex flore ominor fruges, ex fonte Nilium, ex flamma Ætnam
 ex aurora meridiem, ex ſplendore lucis imbres, obſcuris perſona-
 ta mea cryſtallus noctibus inſepulta, propemodum contumulatur.
 Britannia ocellus, Parentum fulgor & pupilla, natali exul pariete,
 bipedum harpyiarum condiçta manu ex Patria in Hiberniam (m) ab-
 rripitur, juventæ gloria inſimæ ſabellici gregis præfecturæ addicitur,
 & virtutum nitor immundo grunnientium animantium vulgo
 cuſtos deſtinatur. Quid agitis cryſtallina olympi ſidera? cryſtal-
 lum jubari veltro gemellam cænoſæ miſceri ſuſtinetis turmæ? mar-
 garitam proijci ante porcos? Sanctum famoſis Angliæ canibus
 ereptum limoſos fulgere inter verres? Quæ hæc ex ſublimibus
 Britannia jugis ad turbidas adipis faginas cryſtalli devolutio? Non
 capio Altiffimi Numinis, PATRITIUM ad ſumma deſtinantis,
 mæandricos ductus, ductuum labyrinthos. Abyſſum tento nullâ
 bolide indagandam. Verùm ſi modoſto intuitu in DEI providen-
 tis adyta admirabundum tantisper deſigam oculum, animad-
 vorto AA. his neceſſariò ambagibus periclitandam fuiſſe germa-
 nam cryſtalli in PATRITIO indolem. Cryſtallus ſerena lucis
 filia coætaneis in nivibus educatur; PATRITIUS paſtoritiâ arma-
 tus arundine, aſtatis, hiemiſque abſorbuit rigores, multa tulit,
 fecitque puer, ſudavit & aſſit. Cryſtallus turbidis immerſa pa-
 ludibus non contrahit ſplendoris labem, ſæcumento adnatantium
 aquarum contagio, nobilitatis ingenitæ memor, etiam in cæno-
 pellucidam cæli præſert claritatem, ſolo ſole pervia navis
 omnibus diaphanum obſtruit limen. Idem erat fulgor PATRITII:
 ad volutabra ſtans quadrupedis familia, é ſorde nihil inquinatum
 traxit. Gemebant pecudum grunnitus, in Illo cryſtallina gem-
 mabat puritas. Elogium, quod de virtute Romana enuntiavit
 facundia: (n) quòd virtus in tempeſtate quivta eſt, lucet in tenebris,
 & pulſa loco, manet tamen, atque hæret in patria, ſplendetque per ſe
 ſemper, neque alienis nunquam ſordibus obſoleſcit, elogium hoc
 ſuccin-

(m) In Vita
 ex Bolland.

(n) Cicero de
 amicis.

succinctus PATRITII est Panegyricus, inter pecus palustre illustre
 innocentiae fulgur jaculantis. (o) fertur crystallus, immortalis imago (o) *Plin. lib.*
 mago vitae, nescia corruptionis esse natura, voraces etiam Vulcani 37. *hist. nat.*
 esurientis flammæ, nativo confusa frigore exhibilat. Hic typus In- 6. 2.
 carnati Nostri Angeli, Angelicæ crystalli. Cyprii tædis, quibus pronus
 est nivea fragilis juvenæ in cænum eliquari innocentiam, innocentiam
 nunquam arsit. Illibatæ vitæ nives in summo apud illud adolescentiæ
 fervore albicabant. Erat ille inter illicitos ignes indurata in splen-
 dorem glaciæ, sed sine lubrico. Mente carneque mundus, ad
 mundi immundi illecebras frigeat, & ardeat: frigeat metu,
 ardeat irâ, minor sane iterum oculatum cæteroquin in res huma-
 nas cælum hic adeo indormire, ut tantum innocentis exempli ju-
 bar tam terro labellicorum negotio ferat distineri. Sed rursus al-
 tissimum Sapientissimi Numinis adverto Sacramentum. Agit
 quandoque Supremus Regum Rex, quod minores mundi Reguli,
 giganteo passu lucis inaccessæ sol parva minorum siderum calcat
 vestigia. Terræ Principes animum relevaturi ex litore nonnun-
 quam pretiosa ad ima maris jactant monilia, ut peritos pavimenta
 Neptuni calcare, ambulones in lucrosam alliciant periculum. Ea-
 dem Optimi Numinis in Sanctorum ordinando progressu est me-
 thodus. Ludens in orbe terrarum DEUS immergit infimis ad
 summa natos, alienam deinde manu ex gurgite eruendos. Latebat
 PATRITIUS, & lucebat in angulis Hiberniæ fulgida gemma, &
 ecce! luce beatâ plenissimi Spiritus, mentes DEO pellucidæ, per-
 spicua soli Divino crystalli, alterno remigio ad juvenem (p) de- (p) *In Visa.*
 labebantur. Dissuviabant Angeli innocentem Anglum, & per-
 viæ illæ radijs Altissimi naturæ, pretiosi immortalitatis adaman-
 tes, amabant, similitudine amorem matrem, germanam sibi in
 PATRITIO crystallum. O felix, qui sic latebat in angulis, pate-
 bat Angelis! jam tunc PATRITIUS in angulis hospitans in Christi
 formabatur ectypon, in angularem quadrabatur lapidem, Divinæ
 fidei basilicam Atlantico robore in florentissima regione Hiberniæ
 succolaturus! Indignati verò mansuetissimi Cælitæ crystalli
 suæ nitidissimæ indignas in latebris umbras. Adolescentem vincu-
 lis obscuræ servitutis emancipatum, in libertatis jubar (r) asse-
 ruere.

(r) *Ibidem.* ruere. O! quæ nova non referatur tripudij scena, quis uberrimus laudis centuplicandæ campus non apricatur! PATRITIUS ex compedibus Hiberniæ ad Coronata Galliæ lilia militiæ cælestis strategate provolat, crystallus ad flores, candor rigens ad candorem virentem, innocentia Hiberna ad vernam. Stupete metamorphosim AA. Qui nuper palustri virore gregis immundi pascebat aruinam, jam ipse mystico sapientiæ lacte, Musarum cælestium Conviva pascitur; & qui Despotæ Milchoni nuper ancillabatur à pedibus, jam Insulatis Franciæ Capitibus, (s) Divo Martino Turonensi, & Germano Antisiodorensi Antistiti servit à manu, fluentes ab ore Pontificum Salomonum mysticæ sapientiæ gnomas, industriâ pennâ in tabulas coacervat. Crystalli cærea hæc indoles est, ut in lucis apricum projecta, descendentes è cælo sidernm radios amænâ occupatione insugat. Pellucidum est Reginæ lucis palatium, nullâ densivaporis remorâ obseratum. Non sic aquæ stilla viscoso spongiæ thalamo sese insinuat, sicut suam curiosi radij permeant crystallum, Transfigunt sinè vulnere gemmam congelatam. Par erat felicissimus PATRITIJ genius, par ingenium. Illustrium Cleri Gallicani Siderum, Martini & Germani, diffusam sapientiæ lucem avidissimè sorbebat. Scientiarum lumen alibi peregrinum, in ipso patrium hospitabatur. Non instillabantur illi eruditionum disciplinæ, sed aperto torrente influebant. Quasque alij literaturæ divitias magno industriæ impendio confarcinant, ille felici compendio Sancto in otio corrogavit. Mirata est non dissiteor Chryssippi ingenium antiquitas, profunda scientiarum adyta nullo studio penetrantis: mirata est insignem Milciadis memorandi vim, legetis multa, omnia reminiscens; fastidivisset, opinor, ista jactantiæ nomina Ætas vetusta, si in PATRITIJ ætatem rejuvenascens descendisset. Quod crystallo in more est, ut Phæbo exposita, in itæu oculi decisæ lucis filamentis crinita radiet, hoc erat PATRITIO à docentis Magistri dependere ore; attendere, erat illi sapientiam intendere, apprehendere erat comprehendere. Porro fulgidissima ipsius sapientiæ lux, non è Theocriti commentis, Plauti interludijs, Valerij Salibus, Chærilii facetijs, Propertij flammis, Catulli Scintillis, Epicarmi sophismatis, aut mendaci fucatæ eloquentiæ

quentiæ scatebrâ manabat, sed sapientiæ divinæ, altissimæ con-
 templationis, mysticæ, arcanæque theosophiæ, deciso è cælis juba-
 re, radiabat. Emicabat in illo aureo splendore scientiæ Sanctorum,
 pulchro cincta meteoris in virtutum corona. Virtutis fulgorem
 maritavit scientiæ luci, lucidus & fulgidus, doctrinâ & exemplo.
 Est equidem scientia, pulcherrimo virtutum comitatu viduata,
 radiosum lumen, sed Phæbi occidentis, non gloriæ diem, sed noc-
 tis mæstæ tenebras portendens. Diluculare ergo masuit PATRI-
 TIUS sapientiæ diluculo virtutum aurorâ serenato, quam gloriæ
 consummatæ meridies sequeretur. Sub Divi Martini auspicijs vi-
 tam Asceta vivens cælestem, in cella reperit virtutum & literarum
 palæstram, lycæum & odæum, pulpitum & aram, periparum &
 claustrum, Athenæum & sacrarium, asceterium, & phrontiste-
 rium, templum & Academiam, in ista laurum, in illo palmam de-
 messuit. brevissimo elogio agglomeratam in PATRITIO virtutem
 celebrem, si non in concionè, quod de magno Athanasio florida
 (t) Nazianzeni signavit penna, Ego de PATRITIO enuntiam: (t) de laud.
 PATRITIUM laudans, virtutem laudabo, idem enim est illum dicere, quod Athan.
 virtutem laudibus efferre: quoniam virtutes omnes in unum collectas
 tenebat. Ausim dicere, si cælum, divinarum literarum suffragio
 crystallinâ spherâ convexum, crystallinis etiam agitaretur intel-
 ligentijs, nã ego illustrem firmamenti intelligentiâ in fulgidissimo
 suspicerem PATRITIO, virtutum suffragio virtutibus, scientiæ
 prærogativâ Cherubicis spiritibus accensendam. Sed nondum, non-
 dum ad fulgoris augeus entus es illustrissima gloriæ crystallus,
 divine PATRITI, nondum te radianti coronæ suæ inferi desiderant
 genij cælestes. Lucis hydrope æstuentes, quò majore te vident
 meritorum incingi claritudine, eò uberiora Indies in te gemmare si-
 tiunt virtutum incrementa. Nondum in culmine stas virtuosæ
 celsitudinis, nondum Herculei laboris decurristi Zodiacum. Ad-
 huc tibi oceanus & maria sunt vestiganda, adhuc longæ itinerum
 parasangæ emetiendæ, adhuc debellanda impietatis castra, fugan-
 dæ Medusæ, profligandæ inferorum larvæ. Adhuc incultum gen-
 tilis Hiberniæ solum salutiferâ semente conferendum. Ad Alci-
 dis stas columnas columen, & lumen Ecclesiæ: plus ultra. Et verò
 jam

jam æstuat Personata mea crystallus immensarum salutem gentium
 anhelans: jam Altissimus temporum, tempestatumque legis lator, qui
 mittit crystallum suam sicut buccellas, ad agnatam crystallo Hiberniã,
 ad sitam Aquiloni plagam Apostolum designat PATRITIUM. A-
 varo necdum maturus cælo maturefcit Cælestino. Perstrinxit crystal-
 linus PATRII J fulgor fama divulgante Universi oculum Romam,
 & oculi pupillam, Romanæ Ecclesiæ Caput Papam Cælesti-
 num. Quid agit ter coronatus vertex? noxiam ratus,
 jubar cælis dignum includi cellis, è solitudinæ ad Pon-
 tificium accersit solium Apostolici Candidatum Collegij, qui ad
 oras boreali plaustrum circumfitas triumphum Evangelij deveheret.
 Jam tunc Divinus Spiritus, ceu quidam Sacratior Orpheus, citha-
 ram, clypeis Hiberniæ gentilitiam, feriebat, & si non Saxa The-
 bæa, Petram certè alliciebat Ecclesiæ in salutem septentrionalium
 gentium pervigilem. Enim verò quid non animadverto? Erulescit, ut
 video, ad commendatam muneris Apostolici dignitatem Patrius, &
 Parthicum in fuga meditatatur triumphum. Est nisi fallar, crystal-
 lino fulgore insensibilis hostis, glomeratus in nubem vapor, fumus
 est lucis funus, nebula splendoris est sandapila. Hoc est ad quod
 ver ecundus rubet Apostolus, ingeniti fulgoris jacturam præfagiens,
 nubium timet eluvione obrui. Fumos honoris desert Antistes
 Vaticanus, Cælestinus nubes. Abiruro ad Hiberniæ insulam insulam
 præsentat. Hinc illæ lacrymæ! verùm noli percelli solijs digne cæ-
 lestibus Apostole. Honos, quo te sacræ munificentia Curie in
 augurare parat merentem, non est levis inflatæ nubis fumus, Apo-
 stolicarum curarum onere gravidatur. Ornat & onerat, attolit
 dignitate, pondere deprimit. Non adimet, sed alet lucem unctio
 Episcopalis. Frustrà laureatum verticem negas triaræ. Ut crys-
 tallus lucis rivo inebrietur, sufficit in solis conspectu eam hospi-
 tari. Tu è claustrum protractus in lucis arenam, frustrà declinas
 splendoris auctarium, honorum splendorem. Ergo actum est,
 radiæ jam inter majora Ecclesiæ sidera Insulare PATRITI, & adep-
 tã cum novi honoris fastigo nova luce, in splendoris cataclysmum
 Hiberniæ exuberat. Vaticinium implet Christi, Apostolorum elo-
 gium: *vos estis lux mundi.* Sed à luce ad crystallum remeo AA.
 crystallus industriæ virtutis natura, radiosæ lucis filium, quod à so-
 le

le sæneratur, in momento laudabili cum usura centuplicat, & il-
 lustris luxu circumquaque dispergit. Novum hoc emblema PA-
 TRITIJ: jubar ab alto in se transfusum, immenso lucis profluvio
 augmentavit. Mox primo ad oras Hiberniæ allapsu, superstitionum
 nocte obvolutas, DEOS immortales! quantos non radorum imbres
 diffudit! quantas faces non vibravit! quantum jubar non sparsit!
 Nulla erat latebra, quam non perstringeret, nulla nox, quam non
 serenaret, nullum antrum, quod non illustraret, nullus lucus, quem
 non lucidaret. Obscra elatebravit, profunda evolvit, occlusa
 referavit, abdita pandit, cæca illuminavit. Seipso fulgidior, Egyptia-
 cis Hiberniæ umbris, lucis Vesuvium, solem intulit. Moliebatur
 quidem initio insensa luci umbra, stygiarum confusus ordo tenebra-
 rum, per superstitionos populorum animas grassans, hunc serenif-
 simum PATRITIJ meridiem fatali carbone intrare. Diem ag-
 gressus est nocte, Charites furijs, fulgorem fuliginagine, nitorem nido-
 re, candorem atrore. Morticinum diei, umbra in labarum tri-
 ste divaricans ad subruenda lucis castra cæco Marte ferebatur. Egit
 minis (u) calumanijs, astu, præstigijs, insidijs, monstris, ut sudam
 in cælesti Patrijsio frontem obnuberet, ut crystallum pessum daret, dis-
 fringeret, comminueret. Sed exsibilavit umbrarum dolos Phæbi
 gemellus, noctis horrorem terruit, Æthiopem turbam exturba-
 vit. Crystalli strenuam æmulatus est indolem. Illa percussa,
 ignitis infrendet (x) scintillis, ille ardentia eructabat fulgetra in
 tænarum phalanges. Multa dixit, egit plurima: quod dixit, erat
 fulgur, quod egit, fulgor; illo percellerat, isto perstringebat. Apollinæ
 radijs in jacula efferatis Pythoni vitam elisisse, commentum est, pro-
 tasis est. PATRITIUM purpurea serenitate confusas tenebrarum
 acies triumphasse, facinus est, apodosis est. Lucis ille arma indutus,
 noctem ubi primum vidit, fudit, ubi sensit, prostravit; ex caligi-
 nosis Hiberniæ hallucinantis mentibus, atrum cæca superstitionis
 imperium evulsit. Lucos incendit, fana demolitus est, aras subruit,
 Popas exsecravit, tripodes elinguavit, holocausta restinxit, Haru-
 spices infatuavit, solâ agni Eucharistici liturgiâ super aras inducâ.
 Si cithara JESU literarum cambio est Eucharistia, felix gentilitia
 Hiberniæ cithara ad hanc citharam concordata! O PATRITI! age,

(u) in vita

(x) Picinel.
lib. 12. fol.
690.

ut

ut tuis quondam imbuta modulis cithara nostro etiam ævo concorder, & divulgata per Orthodoxum orbem veritati cor der! Cesset dissonus persecutionum stridor Exulibus threnos eliciens civibus, & laudata antiquæ fidei in insulis Borealibus insonet harmonia. Se d supersedeo nœnijs, dum gaudij uberior messis affurgit. Jam PATRITIUS, veluti serenior titan immensas in Horizonte Hibernico stellas accendit, plurimos gignit cælo è filijs tenebrarum lucis filios. Divino Eutheatus flamine percurrit Ulidiam, transit Dalatiam, lustrat Midiam, pervadit Lageniam, permeat Mummoniã, penetrat Euboniam, trajicit Manniam, lustrat Calregiam, & in stygem pulsã gentilismi Umbriã, ubique victricis fidei faces difseminat triumphales. Quin imò fulgoris diluvio exuberans, quot quot propè primo fidei illustart illustrat diluculo, hos ad meridiem adultæ extollit sanctitatis. Vivente sanè PATRITIO rarius æstivis nivibus erat in Hibernia ostentum, si quis plebejam solummodo professus virtutem, perfectionis nobilitate PATRITIO gemellus non evaderet PATRITIUS. Nasci fidei fuit nasci sanctitati. Hoc erat divortium Phæbi & PATRITIJ alibi concordantis, quòd ille cælum ingressus laxatis luminum cataractis minora astra contumulet, iste crescente indies splendore minorenes siderum ignes non modò non dispelleret, sed proliceret. Ea deinde sidera lucis à crystallo hausta obruta torrente, per varias Orbis Provincias in fidei salviticæ auroram felicissimè dilucularunt. S. Connanus in Scotia, Auxilius in Cambria, Hispadius in Gallia, Trianus in Italia, Mogenocus in Britannia, Odranus in Hbridibus Connedus in sinibus Turturinorum ceterique Regionum Apostoli qui Sanctitatis nomine ac famã præfulgidi, Divo PATRITIO propè coævi, Divinissimis ipsius radijs serenissimè sunt collustrati. cæcutio híc ad tam immensum lucis pelagus è PATRITIO erumpentis, vigore orbantur pupillæ, visuales radij obtunduntur. Jamque in tenebras diffuerent palpebræ, nisi fulgorem umbra attenuaret, gloriam elevaret humilitas. Portentum AA. ! in tanta exsuperantis splendoris opulencia, Patricius ipse sibi egenus, profundissimæ humilitatis latebrã sese occulebat. Lucifer cùm esset errantium gentium, fatuo tamen Principis Angeli igne non illudebatur. Superbi serpentis ofor demissionis studio assiduè serpebat humi, in fastigio

stans sanctimonias seipsum sine fastu despiciebat. Edidit ille Di-
 vini raboris brachio magnas prodigiorum virtutes, spectacula su-
 pra plebejos natura fasces exprocreta; plus egit propemodum, quam
 de jove suo Capitolino Veterum somnia commenta sunt. Verum
 problema esto: ubinam PATRITIUS prodigiosior? an dum vitam
 Thaumaturgus exanimi donavit sceleto? an verò cum se immor-
 tali præfulgidum virtute inter morticina tunulavit (t) magnis
 peccatoribus accensuit? Hæc nimirum est gemmæ ingenito pretio
 prægravatæ, hæc crysalli nativis onustæ meritis ponderosa laus;
 evanidis nunquam inturgescit auris fastuosa, gravitatis potius in-
 natæ magnetismo ima versus continue propendet. Enim ve-
 rò qui gemmeo modestiæ pondere imis adeò sese apprimebat PA-
 TRITIUS, jam tandem uberrimis locuples thesauris felicibus ter-
 ris ab invidente cælo eripitur. Illustres Heroum umbras, magnani-
 mas Magnatum animas, ad viam Eridani lacteam, ad stillantem
 stellarum crysallum, post fata abrie vetusta (aa) somniabat pie-
 tas, Heroicæ fulgoreni vitæ fulgore posthumo remunerata. PA-
 TRITIUS fabulæ historiam attexuit, umbræ lucem. Crysallus
 ipse pellucida ad beatum crysallini firmamenti Augustale serenif-
 simus transvolavit, Tripudia Hibernia, plaude Britannia! lux
 coruscantis in Olympo PATRITIJ hilare saluti tuæ indigitat Pha-
 nomenon. Vidit quondam extaticus adamnem Chobar Ezechiel,
 Divinæ currum gloriæ, mysticis animantibus prodigiosum, & re-
 pandam crysallini cæli spheram super animantes extendi specula-
 batur. Extenditur etiam O! Hibernia Olympus tibi in trium-
 phante PATRITIO crysallinus, sub quo divinæ gloriæ effedum
 fortunatè provolat, brevi, ut sperare fas est, Orthodoxæ fidei tri-
 umphum ad oras tuas cum Astræa revecturum, Respirabis tunc
 O! felix (bb) Sanctorum Jusula intestino concita tripudio, ubi A.
 postolicarum legum vigor gremio tuo infusus repullularit. Respi-
 ro & ego enervis Encomiastes, & postquam de crysalli ful-
 gore obscuro differui panegyrico, Oratoris munio
 frigidè defunctus in umbra silentij expiro,

(t) in vita

(aa) Cicero
in somnio sci-
pionis.

(bb) Ican.
Golgan. in
actis ff.

Pro rostris vixi,

D I X I.

